

四庫全書

集部

欽定四庫全書

禪月集卷九

唐 釋貫休 撰

五言律詩三十二首

聞徵四處士

一詔羣公起移山四海聞因知丈夫事須佐聖明君白
酒全傾瓮蒲輪半載雲從茲居諫署筆硯幾人焚

送友人下第遊邊

失意窮邊去孤城值晚春黑山霞不赤白日鬼隨人角
咽邊風緊沙昏磧月新明時至公在迴首莫因循

寄匡山紀公

錦繡谷中人相思入夢頻寄言無別事琢句似終身書
卷須求旨鬚根易得銀斯言如不惑千里亦相親

聞無相道人順世五首

一事不經營孤峰長老情惟殮椽子餅愛說道君凡池
藕香狸掘山神白日行又聞行脚也何處化羣生

又

自昔尋師日巔峰絕頂頭雖聞不相似特地使人愁
庭樹雪摧殘上有白獼猴大哉法中龍去去不可留

又

嘗思將道者高論地壚傍迂談無世味夜深山木僵
下山遭離亂多病惟深藏一別三十年烟水空茫茫

又

石霜既順世吾師亦不住杉桂有猩猩糠粃無句句土

肥多孟蕨道老如猥孺莫比優曇花斯人更難遇

又

百千萬億偈共他勿交涉所以那老人密傳與迦葉吾
師得此法不論劫不劫去矣不可留無踪若為躡

苦熱

松桂枝不動陽鳥飛半天稻麻須結實沙石欲生烟毒
氣仍干扇高枝不立蟬舊山多積雪歸去是何年

鄂渚贈祥公

寂寥堆積者自為是高僧客遠何人識吟多冷病增松
烟青透壁雪氣細吹燈猶賴師于我依依非面朋

懷武昌樓一二首

嘗憶能吟一房連古帝墟無端多忤物惟我獨知渠病
愈囊空後神清木落初祇因烽火起書札自茲踈

又

清風江上月霜灑月中砧得句先呈佛無人知此心寂
寥從鬼出蒼翠到門深唯有雙峰寺時時獨去尋

寒食郊外

寒食將吾族相隨過石溪塚花沾酒落林鳥學人啼白
水穿蕪疾新霞出霧低不堪迴首望家在赤松西

送道士歸天台

道高留不住道去更何云舉世皆趨世如君始愛君逕
侵銀地滑瀑到石城聞它日如相憶金桃一為分

經孟浩然鹿門舊居二首

孟子終焉處遊人得得過
樵深黃狹小地煥白雲多孔

聖嗟大謬玄宗爭奈何空餘峴山色千古共嵯峨

又

花落谷鷲啼精靈安在哉青山不可問永日獨徘徊塚
穴應藏虎荒碑祇見苔伊余亦惆悵昨日郢城迴

春送禪師歸閩中

春色滿三湘送師還故鄉穿霞逢黑鵝乞食得紅薑大
化宗門闢孤禪海樹涼儻為新句偈寄我亦何妨

途中逢周朴

東西南北路相遇共興哀世濁無知己子從何處來
荆
衰芳草在程遠宿烟開儻遇中興主還應不用媒

避寇山中作

山翠碧嵯峨攀牽去者多淺深俱得地好惡未知它
有
草皆為戶無人不荷戈相逢空悵望更有好時麼

避寇上唐臺山

蒼黃綠鳥道峰脅見樓臺檉桂香皆滴烟霞溼不開
僧
高眉半白山老石多摧莫問塵中事如今正可哀

題嶧桐律師院

律中麟角者高淡出塵埃芳草不曾觸幾生如此來壑
風吹磬斷杉露滴花開如結林中社伊余亦願陪

上馮使君渡水僧障子

跣足挂巴藤潺湲渡幾曾畫權無著印不是等閒僧熊
耳應初到牛頭始去登畫來偏覺好將寄柳吳興

秋夜翫月懷玉霄道士

光異磨礪出輪非雕斲成今宵剛道別舉世勿人爭征

婦砧添怨詩人哭到明
惟宜華頂叟笙磬有餘聲

上杭州令狐使君

顏冉德無鄰分憂浙水濱
愛山成大癖求瘼似諸身
視事奸回盡登樓海岳春
野人如有幸應得見陶鈞

懷諸葛玉一作二首

諸葛子作者詩曾我細
看出山因覓孟踏雪去尋韓孟遇

郊韓愈于洛下 謬獨哭不錯諸葛云思牽吳岫起吟索判雲開 常流飲實難諸葛

曾為僧名然有詩云到 知音知便了歸去舊江干
處自鑿井不能飲常流

又

羸馬與羸童微吟冒北風
店孤僧共歇日落思無窮
囊

草無非刺魏人那識公

投魏不遇而去

鷓鴣花五陵道去去與誰

同

懷錢唐羅隱童曾封

二子依公子鷄鳴狗盜徒
青雲十上苦白髮一莖無
風
澀潮聲惡天寒角韻孤
別離千萬里何以慰榮枯

送沈侍郎

金華集卷九
卷九
從知無遠近木落去閩城地入無諸俗冠莪甲乙精山
多高興亂江直好風生儉府清無事唯應薦禰衡

題宿禪師院

身閒心亦然如此已多年語淡不著物茶香別有泉古
衣和蘚衲新偈幾人傳時說秋歸夢孤峰在海邊

秋晚泊石頭驛有寄

蕭索漳江北何人慰寂寥北風人獨立南國信空遙燒
塢新雲白漁家衆木凋所思不可見行鴈在青霄

別盧使君

杜宇聲聲急行行楚水濱
道無裨政化行處傲孤雲
辛到膺門下頻蒙俸粟分
詩雖曾引玉棊數中埋
軍山好還尋去思深
豈易云扇風千里
泰車雨九重
間晴霧和花氣危檣鼓浪文
終期陶鑄日再見信陵君

秋夜吟

如愚復愛詩木落即眠遲
思苦香消盡更深
筆尚隨飢童春赤黍繁露灑烏裨
看却龍鍾也歸山是底時

禪月集卷九

欽定四庫全書

禪月集卷十

唐 釋貫休 撰

五言律詩三十一首

桐江間居作十二首

木落雨翛翛
桐江古岸頭
擬歸仙掌去
剛被謝公留
猛燒侵茶塢
殘霞照角樓
坐來還有意
流水面前流

又

香剎通真觀樓臺倚郡城陰森古樹氣麓淡老僧情壁
畫連山潤仙鐘扣月清何須結西社大道本無生

又

靜室焚檀印深鑪燒鐵瓶茶和阿魏煖火種柏根馨數
隻飛來鶴成堆讀了經何妨似支遁騎馬入青冥

又

不問庚桑子唯師妙吉祥等閒眠片石不覺到斜陽獨
自收楮葉教童採柏瓢王孫莫指笑淡泊味還長

又

詩琢冰成句多將大道論人誰知此意日日祇關門乳
鼠穿荒壁溪龜上淨盆因知無事貴言外更無言

又

紅黍飯溪苔清吟茗數杯祇應唯道在無意俟時來樹
疊藏仙洞山蒸足瀑雷從他嫌復笑門更不曾開

又

蟬急野蕭蕭山中信屢招廚香烹菌朮詩好抵瓊瑤諸

金剛石
卷十
境教人認荒榛引燒燒吾皇禮金骨誰更美南朝

又

露滴滴蘅茅秋成爽氣交霜裊如蜜裹風栗似鹽苞浮
蘚侵蛩穴微陽落鶴巢還如山裏日門更絕人敲

又

漉烏毛衣別頻來似愛吟蕭條秋病後斑駁綠苔深珠
翠籠金像風泉灑玉琴孰知吾所適終不是心心

又

芙蓉峯裏居關閉復何如白攷兼花鹿多年不見渠紅
泉香滴瀝丹桂冷扶疎唯有西溪叟時時到弊廬

又

憶在山中日為僧鬢欲衰一燈常到曉十載不離師水
汲冰溪滑鐘撞雪閣危從來多自省不學擬何為

又

囊非撲滿器門更絕人過土井連岡冷風簾迸葉多村
童頑似鐵山菜硬如莎唯有前山色窻中無奈何

寄馮使君

山風與霜氣浩浩滿松枝
永日燒杉子無人共此時
為文攀諷諫得道在毫釐
唯有桐江守常憐志不卑

經棲白舊院二首

竺卿何處去觸目盡淒涼
不見中秋月空餘一炷香
殘花飄暮雨枯葉蓋啼螿
誰禮新墳塔蕭條渭水傍

又

國寶還亡一時多李德林
故人卿相泣承制渥恩深
舊

藁誰收得空堂影似吟徘徊不能去寒日下西岑

贈李祐道人

聞茸復埃塵難親復易親皆疑有仙術問著却愁人祇
是耽浮蟻曾云見泣麟相逢先合手渾似有前因

贈景和尚院

藏經看幾遍眉有數條霜萬境心都泯深冬日亦長窻
虛花木氣衲掛水雲鄉時說秋歸夢峯頭雪滿牀

上宋使君

折桂文如錦分憂力若春位高空倚命詩妙古無人有
感禾爭熟無私吏盡貧野人如有幸應得見陶鈞

離亂後寄九峯和尚二首

亂後知深隱菴應近石樓異香因雪歇仙果落池浮詩
老全拋格心空未到頭還應嫌笑我世路獨悠悠

又

蕭灑復蕭灑松根獨據梧瀑水吟次折遠燒坐來無老
櫻寒披衲孤雲靜入厨不知知我否已到不區區

送王賓于赴舉

冬暮雨霏霏行人喜可稀
二階欣夜雪亞聖在春闈
馬疾頑童遠山荒凍葉飛
經師無一事應見麗龜歸

題靈溪暢公墅

境清僧格冷新斬古林開
舊隱還如此今人來又來
嵐飛黏似霧茶好碧於苔
但使心清淨從渠歲月催

送高九經赴舉

回也曾言志明君則事之中興
今若此須去更何疑志

列秋霜好忠言劇諫奇

志列忠言
皆舊人也

陸機遊洛日文舉薦

衡時虎跡商山雪雲痕岳廟碑夫

一作憑

君將潦倒一說

向深知

東西二林寺流水

水爾何如此區區矻矻流墻墻邊瀝瀝砌砌下啾啾味
不卑於乳聲常占得秋崩騰成大瀑落拓出深溝遠歷
神仙窟高淋竹樹頭數家春碓磴幾處浴猿猴共月穿
峰罅喧僧睡石樓派通天宇闔雷入楚江浮為潤知何

極無邊始自由好歸江海裏長負濟川舟

送王貞白重試東歸

心苦酬心了東歸謝所知可憐重試者如折兩三枝
雨毒逢花少山多礙馬遲此行三可羨正值倒戈時

早秋即事寄馮使君

金脈火初微開門竹杖隨此身全是病今日更嗔誰落
葉崢嶸處諸峰爽拔時唯思棠樹下高論入圓伊

贈景和尚院

貌古眉如雪看經二十霜尋常對詩客祇勸療心瘡炭
火邕湖滢山情紫竹涼怡然無一事流水自湯湯

寄西湖胡汾

待價欲要君山前獨灌園雖然未識面要且已銷魂鹿
睡紅霞影泉流白石門伊余心更苦何日共深論

題師穎和尚院


師院清無敵師心智不知臘高青眼細閒甚白雲卑煮
茗燃楓枿泥墻札祖碑愛師終不及謾住許多時

遊雲頂山晚望

雲頂聊一望山靈草木竒
黔南在何處堪笑復堪悲
菊歇香未歇露繁蟬不饑
明朝又西去錦衣與峨眉

劉相公見訪

千騎擁朱輪香塵豈是塵
如何補袞服來看衲衣人
莊叟因先覺空王有宿因
對花無俗態愛竹見天真
歌枕松窗迥題墻道意新
戒師慚匪什都講更勝詢
桃熟多紅墨茶香有碧筋
高宗多不寐終是夢中人



禪月集卷十

欽定四庫全書

集部

禪月集卷十一至

詳校官司業臣納麟寶

檢討臣何思鈞覆勘

總校官進士臣朱鈐

校對官待詔臣胡士震

謄錄監生臣王志遠

欽定四庫全書

禪月集卷十一

唐 釋貫休 撰

五言律詩

寄赤松舒道士二首

不見高人久空令鄙吝多
遙思青嶂下無那白雲何
子愛寒山子歌惟樂道歌
會應陪太守一日到烟蘿

又

金剛口占詩
卷十一
余亦如君也詩魔不敢魔一餐兼午睡萬事不如他雨
陣衝溪月蛛絲罨砌莎近知山果熟還擬寄來麼

鄂渚逢楊贊禹

流浪兵荒苦相思歲月闌理惟通至道人或謂無端燒
猛湖烟赤窻空雪月寒知音不可見始為一吟看

別性空禪師

積翠迸一瀑紅霞碧霧開方尋此境去莫問幾時迴盞
槩入檐石思詩聞早雷惟師心似我欲近不燃灰

送胡處士

不名兼不利相遇海西濱
白字未干髮清時錯愛雲頭
巾多酒氣竹杖有苔文
久積希顏意林中又送君

寄瀾公二首

小一頭應白孤高住歛城
不知安樂否何以近無生

師常

供養十六羅漢
梵語云無生

燒逼鴻行側風乾雪朕清
途中逢此信

珍重未精誠

又

荒亂拋深隱飄零遠寓居片雲無定所得力是逢渠

光洞

山道人云吾師獨自往處處得逢渠

瀑灑羣公社江崩古帝墟終期再相

見招手復何如

寄栖一上人

花澗接滄洲陰雲閉楚丘雨聲雖到夜吟味不如秋古
屋藏花鷓荒園聚亂流無機心便是何用話歸休

送僧之湖南

湘水萬餘里師遊芳草生登山乞食後無伴入雲行宿

雨和花落春牛擁霧耕不知今夜月何處聽猿聲

秋末寄張侍郎

靜坐

一作處

黔城北離人半歲疆霧中紅黍熟燒後白雲

香多病如何好無心去始長寂寥還得白溪上寄三張

古塞曲三首

單于烽火動都護去天涯別賜黃金甲親臨白玉墀塞垣須靜謐師旅審安危定遠條支寵如今勝古時

又

方見將軍貴分明帶冕旒聖恩如遠被窮寇不難収臣
節惟期死功勳敢望侯終辭脩里第從此出皇州

又

百萬精兵動參差便度遼山迴疑地絕秋老壯天驕遠
樹深疑賊驚蓬迴似鷗凱歌何日唱磧路共天遙

古塞下曲七首

下營依遁甲分帥祀河隍地使人心惡風吹旗鱗荒搜
山得探卒放火獵黃羊惟有南飛鴈聲聲動客腸

又

歸去是何年山連邏迤川蒼黃曾戰地空濶養鵬天旗
挿蒸沙堡槍擔卓槩泉蕭條寒日落號令徹窮邊

又

強寇日相持如龍馬不肥突圍金甲破趁賊鐵槍飛漢
月堂堂上邊雲慘慘微黃河水已合猶未送征衣

又

南北惟堪恨東西實可嗟常飛侵夏雪何處有人家風

刮陰山薄河推大岸斜
紙應寒夜夢時見故園花

又

不是將軍下邊兵
豈易當雨曾淋火陣箭
又中金瘡鐵嶺無青草
金微有白狼因思無戰日
天子是陶唐

又

榆葉飄蕭盡闕防
烽寨重寒來知馬疾
戰後覺人兇燒逐飛蓬死
沙生毒霧濃誰能奏明主
功業已堪封

又

萬戰千征地蒼茫古塞明陰兵為客崇惡酒發刀痕風
落崑崙石河崩首宿根將軍更移帳日日近西蕃

古塞上曲七首

幽并兒百萬百戰未曾輸蕃界已深入將軍仍遠圖月
明風拔帳磧暗鬼騎狐但有東歸日甘從筋力枯

又

中軍殺白馬白日祭蒼蒼號變旗幡亂輦一作沙乾草木

黃朔雲含凍雨枯骨放妖光故國今何處參差近鬼方

又

白雁兼羌笛幾年垂淚聽陰風吹殺氣永日在青冥遠
戍秋添將邊烽夜雜星嫖姚半頭白猶自看兵經

又

久雨始無塵邊聲四散聞浸河荒寨柱吹角白頭軍戰
馬齧羴草烏鳶識陣雲征人心力盡枯骨更遭焚

又

帳幕侵奚界憑陵未可涯擒生行別路尋箭向平沙赤

落蒲桃葉香微甘草花不堪登隴望白日又西斜

又

地角天涯外神號鬼哭邊大河流敗卒寒日照蒼烟殺
氣諸蕃動軍書一箭傳將軍莫惆悵高處勒燕然

又

山接蒲昌水河連勃勃城數州今已伏此命豈堪輕磧
吼旄頭落風乾刁斗清因嗟李陵苦祇得沒蕃名

古出塞曲三首

掃盡邊塵迹
迴頭望故關
相逢惟死鬪
豈易得生還
縱宴參邊樂
收兵過雪山
不封十萬戶
此事亦應閒

又

玉帳將軍意
殷勤把酒論
功高寧在我
陣沒與招魂
塞色干戈束
軍容喜氣屯
男兒今始是
讖出玉關門

又

回首隴山頭
天連草木秋
聖君應入夢
半路遣封侯
水不擔陰雪
柴令倒戍樓
歸來麟閣上
春色滿皇州

聞赤松舒道士下世

東陽未亂
前相別

地變賢人喪瘡痍不可觀
一聞消息苦千種破除難陰
德那虛擲深山近始安
玄關評兔角玉器琢雞冠傲野
高難狎融怡美不殫
冀迎新渥澤遽逐逝波瀾
蛻殼埋金隧飛情駕錦鸞
傾摧千仞壁枯歇一株蘭
仙廟詩雖

一作
難

繼苔墻篆必靛烟霞成片
黠松桂著行乾影挂溪
流咽堂扃隙月寒寂寥遺藥
犬縹緲想瓊竿伊昔相
尋遠留連幾盡歡
論詩花作席炙菌葉為盤
彭伉心相

似承禎趣一般琴彈溪月側碁次砌雲殘儵忽成千古
飄零見百端荆襄春浩浩吳越浪漫漫已矣紅霞子空
留白石壇無絃亦須絕回首一長歎

贈抱麻劉舍人

郡政今良吏門風古縉紳萬年唐社稷一個哭麻人憤
烈身先死敷敷氣益貞天乎資大寶秦矣見忠臣得罪
鍾多故投荒豈是迤玉寒方重澀松古更青皴鵬鷲寧
惟白龍多豈止荀道孤梳有雪恩重淚盈巾喻蜀須憑

草成周必仗仁三峰宵旰切萬里渥恩新賦鵬言無累

依劉德有鄰風欺仁袒帽鼠訝史雲塵禪叟知何幸玄

談有宿因雙溪逢陸海

東陽見故浙西侍郎

荆渚過平津

江陵見吏部相

公落日愁聞笛何人為吐茵生徒希匠化寰海仰經綸

疾愈蟬聲老

時公在荊州間居夏疾方可

年豐雨滴頻劉虬師弟子

時喜一相親

禪月集卷十一

欽定四庫全書

禪月集卷十二

唐 釋貫休 撰

五言律詩

夜寒寄盧給事二首

刻羽流商否霜風動地吹
邇來惟自惜知合是誰知
漸雪消難盡鄰僧睡太奇
知音不可得始為一吟之

又

心苦味不苦世衰吾道微清如吞雪電誰把比珠璣作
者相收拾常人任是非舊居滄海上歸去即應歸

送葉蒙赴舉

年年屈復屈惆悵曲江湄自古身榮者多非年少時空
囊投刺遠大雪入關遲來歲還公道平人不用疑

聞王慥常侍卒三首

世亂君巡狩清賢又告亡星辰皆有角日月略無光金
柱連天折瑤階被賊荒令人轉惆悵無路問蒼蒼

又

宗社運微衰山摧甘井枯不知千載後更有此人無政
入龔黃甲詩輕沈宋徒受恩酬未得不覺祇長吁

又

儻在扶天步重興古國風還如齊晏子再見狄梁公棠

樹梅溪北

公為婺州大理
梅溪藝之亭名

佳城舜廟東誰修循吏傳對

此莫怱怱

秋晚野步

藤屨兼聞竹吟行一水傍樹涼蟬不少溪斷路多荒燒
岳陰風起田家濁酒香登高吟更苦微月出蒼茫

聞大願和尚順世三首

王室今如燬仍聞喪我師古容圖得否內院去無疑

大願師

行高德廣必
生彌勒內院

岳鬼月中哭松龕雪次隳直須文五色始

可立高碑

又

鄴衛松杉外芝蘭季孟間盡希重詔出祇待六龍還不

疾成千古令焚動四山感恩終有淚遙寄水潺潺

又

師稟盡名卿孤峰老稱情若遊三點外爭把七賢平苦
霧埋空室啼猿有咽聲今朝益惆悵曾沐下牀迎

愚常
念法

華經師見即下床迎云
吾不敢以衆人相待也

聞葉蒙及第

憶昨送君詩平人不用疑吾徒若不得天道即應私塵
土茫茫曉麟龍草草騎相思不可見又是落花時

送僧之靈夏

舊識為邊帥師遊勝事兼連天唯白草野餅有紅鹽蕃
近風多數河渾磧半淹因知心似月處處有人瞻

書無相道人菴

造化太茫茫端居紫石房心遺無句句頂剃有霜霜白
鹿眠枯葉清泉洒毳囊寄言疑未決一作須道雪溪旁

明進士北齋避暑

相訪多衝雨由來德有鄰卷簾繁暑退濕樹一蟬新道

在誰為主吾衰自有因
祇應江海上還作狎鷗人

晚春寄吳融于競二侍郎

白頭為遠客常憶白雲間
祇覺老轉老不知閒是閒
花舍宜細雨室冷是深山
惟有霜臺客依依是往還

喜不思上人來

沃州那不住一別許多時
幾度懷君夜相逢出夢遲
瓶擔千丈瀑偈是七言詩
若向羅浮去伊余亦願隨

秋懷赤松道士

仙觀在雲端相思星斗闌常憐呼鶴易却恨見君難石
罅青蛇濕風裡白菌乾終期花月下壇上聽君彈

送劉逖赴閩辟

離亂生涯盡依劉是見幾從來吟太苦不得力還稀路
入閩山熱江浮瘴雨肥何須折楊柳相送已依依

苦雨中作

通宵復連夕其狀祇如傾却遣思山者忽然嫌水聲好
花飄草盡古壁欲雲生不奈天難問迢迢遠客情

送僧歸日本

焚香祝海靈開眼夢中行得達即便是無生可作輕流

黃山火著碇石索雷鳴想到名王禮還為上寺迎

有僧遊日

本云彼祇有三寺上寺名兜率國王供養中寺名浮上極品官人供養下寺名祇上寺風俗供養有德行即漸遷上也

贈信安鄭道人

貌古似蒼鶴心清如鼎湖仍聞得新義便欲註陰符
默坐詩常有閒行影漸無杳兮中便是應不食菖蒲

送吏部劉相公除東川

帝念梓州民年年戰伐頻山川無草木烽火沒烟塵政
亂皆因亂安人必藉仁皇天開白日殷鼎輟誠臣一日
離君側千官送渭濱酒傾紅琥珀馬控白騏驎渥澤番
番降壺漿處處陳旌幢山色濕邛笮鳥啼新帝幕還名
儉良醫始姓秦軍雄城似岳地變物含春白必侵雙鬢
清應誠四鄰吾皇重命相更合是何人

送智光禪伯

萬里歸一衲曹溪初去尋從來相狎輩盡是不知音乞
食林花落穿雲翠巘深終希重一見示我祖師心

夜對雪寄杜使君

片片含天意紛紛勢莫拘洒于諸瑞後

時有柏樹再生甘露頻降憂

恐一冬無鶴慄聲偏密風焦片益簾冷牽人夢轉清逼
瘴根徂掃徑僧傾笠為詩士棄壺橋高銀蟠蝮峰峻玉
浮圖盈尺何須問豐年已可敷遙思郢中曲句句出冰

壺

送王穀及第後歸江西

太宗羅俊彥桂玉比光輝
難得終須得言歸始是歸
風帆天際吼金鶚月中飛
五府如交辟魚書莫便稀

送盧瞻罷廬陵幕歸閩鄉

文行成身事從知貴得仁
歸來還寂寞何以慰交親
芳草色似動胡桃花又新
昌朝有知己好作諫垣臣

避寇白沙驛作

避亂無深淺蒼黃古驛東
草枯牛尚齧霞濕燒微紅
寇

亂時時作人愁處處同猶逢好時否孤坐雪濛濛

聞李頻員外卒

蒼蒼難可問問答亦難聞落葉平津岸愁人李使君
文章應力竭茅土始天分又逐東風去迢迢隔嶺雲

江陵寄翰林韓偓學士

久住荆溪北禪關掛綠蘿風清閒客去睡美落花多
萬事皆妨道孤峰謾憶他新詩舊知己始為味如何

閒居作

閒門微雪下慵情計全成默坐便終日孤峰祇此清身
心間少夢杉竹冷多聲惟有西峰叟相逢眼最明

和韋相公見示閒卧

刻形求得相事事未嘗眠霖雨方為雨非烟豈是烟童
收庭樹果風曳案頭牋仲虺專為誥何充雅愛禪靜嫌
山色遠病是酒盃偏蝸響初穿壁蘭芽半出甑堂懸金

粟像

相公常供養
維摩居士

門枕御溝泉旦沐雖頻握融惟孰敢

褰德高羣彥表善植幾生前修補烏皮几深藏子敬璫

扶持千載聖瀟洒一聲蟬碁陣連殘月僧文似大顛

韓吏

部重大顛禪師

常知生似幻維重直如弦餅憶尊羹美茶思岳

瀑煎祇聞溫樹譽堪比竹林賢脫穎三千士馨香四十
年寬平開義路淡泞潤清田哲后知如子空王夙有緣
對歸香滿袖吟次月當川休說慙如捷堯天即梵天

禪月集卷十二

欽定四庫全書

禪月集卷十三

唐 釋貫休 撰

五言律詩

寄山中伉禪師

舉世遭心使吾師獨使心萬緣冥目盡一句不言深野
火燒禪石殘霞照栗林秋風溪上路終願一相尋

秋寄栖一

一別一公後相思時一吁眼中瘡校未般若偈持無公時

有眼瘡因為之念多心經卷句冰團大鑪烟樞橛麓勸君君記取不

用更他圖

懷匡山山長二首

白石峰之半先生好在麼捲簾當大瀑常恨不如他杉
罈龍涎溢潭坳石髮多吾皇搜草澤爭奈謝安何

又

見說面前峰尋常醉亦登雨餘多菌出燒甚古崖崩覓

句曾衝虎耕田半為僧聞名多歲也常恨不飛騰

懷高真動二首

知爾今何處孤高獨不羣論詩惟許我窮易到無文貫
酒兒穿雪尋僧月照雲何時再相見兵寇尚紛紛

又

久別無消息今秋忽得書諸孤婚嫁苦求已世情疎亂
甚無喬木溪多不釣魚祇應金岳色如爾復如余

秋末入匡山船行八首

楚國茱萸月吳吟梨栗船遠遊無定所高卧是何年浪
卷紛紛葉檣衝澹澹烟去心還自喜盧岳倚青天

又

蘆葦深花裏漁歌一曲長人心雖憶越帆態似浮湘石
懶銜魚白汀茅浸浪黃等閒千萬里道在亦無妨

又

島上離家化茅茨竹戶開黃桑雙鵲喜白日有誰來擔
浪澆秋芋綠灘取淨苔回頭深自愧舊業本蒿萊

又

匡阜層層翠脩江疊疊波從來未曾到此去復如何水
廟寒鴉集沙村夕照多誰知垂釣者孤坐鬢皤皤

又

晚泊蒼茫浦風微浪亦麤估喧如亥合檣密似林枯地
峻湖無闕潮寒蚌有珠東西無定所何用問前途

又

島香思賈島江碧憶清江囊索誰相似饒慵世少雙鬢

驚入窟月燒到繫船樁謾有歸香夢前頭是楚邦

又

南北雖無適東西亦似萍霞根生石片象跡壞沙汀隱
隱蒹葭赤微微蝦蛤腥因思范蠡輩未免亦飄零

又

曉色千檣去長江八月時雨淙山骨出棹擱岸形卑野
水畚田黑荒汀獨鳥癡如今是清世誰道出山遲

送僧歸華山

心枯衲亦枯歸岳揭空盂七貴留不住孤雲出更孤燒
灰猶湯足雪片側粘鬚他日如相覓還應道到吳

送友人之嶺外

五嶺難為客君遊早晚回一囊秋課苦萬里瘴雲開金
柱根應動風雷舶欲來明時好登進莫滯長卿才

送盧舍人朝覲

羶行無為日垂衣帝道亨聖真千載聖清必萬年清重
德須朝覲流年不可輕洪才傳出世高甲得高榮罕玉

藏無映嵒松畫不成起銜軒后勅醉別亞夫營燒澗荆
州熟霞新峴首晴重重堯雨露去去漢公卿白髮從如
雪青雲路有程夢緣丹陛險春傍綵衣生既握鍾繇筆
須調傳說羹倘因星使出一望問支鏗

上馮使君山水障子

憶山歸未得畫出亦堪憐崩岸全隳路荒村半有烟筆
勾岡勢轉墨搶燒痕顛遠浦深通海孤峯冷倚天柴棚
坐逸士露茗煮紅泉繡與蓮峰竟威如劍閣牽石門關

麈鹿氣候有神仙茅屋書窻小苔階滴瀑圓松根擎石
朽桂葉蝕霜鮮畫出欺王墨擎將獻惠連新詩寧妄說
舊隱實如然願似窻中列時聞大雅篇

送令狐煥赴闕

渚宮搖落日相送碧江湄陟也須為相天乎更贊誰風
高檣力出霞熱鳥行遲此去多來客無忘慰所思

送吳融員外赴闕

漢文思賈傳賈傳遂生還今日又如此送君非等閒雲

寒猶惜雪燒猛似烹山應笑無機者騰騰天地間

送姚洎拾遺自江陵幕赴京

捧詔動征輪分飛楚水濱由來真廟器多作伏蒲人捨
魯知非願朝天不話貧沙頭千騎送島上一蟬新莫使
身侵貴無矜貴逼身玉階凝正色蘭苑漲芳塵鑿輅方
離華車書漸似秦流年飄儵忽書札莫因循涼雨鳴紅
葉非烟閉紫宸憑將西社意一說向荀陳

送僧入石霜

舉世祇堪吁空知與道俱論心齊至聖對鏡破凡夫業

王如雲合頭低似箭驅

牛頭大師云猶妄心起業業如雲俱合論云入地獄人頭向下

也

三清徒妄想千載亦須臾惟我流陽叟深雲領毳徒

盡騎香白象皆握月明珠寂寞排松榻爛斑半雪鬚苔

侵長者論嵐蝕祖師圖翠巘金鐘曉香林寶月孤旒旒

齊白趾赫赫共洪鑪山色鋤難盡松根踏欲無難評傳

的的須不到區區撩舍新羅瘦鑪烟榻拙龕燒畚平虎

窟分瀑入香廚師去情何切人間事莫拘穿林宿古塚

踏葉搗空盃無事終無事令枯合便枯

烏窠和尚云無事無事為法道

云學向上事不入即須如枯便好也

他年相覓在亦不是生蘇

送僧歸南康

殼殼學得律還鄉見苦情遠思芳草盛不入楚山行帆
入汀烟健經吟戍月清到鄉同學輩應到贛江迎

送陳秀才赴舉兼寄韓舍人

主聖臣賢日求名莫等閒直須詩似玉不用力如山草

白兵初息年豐駕已還憑將安養意一說向曾顏

昔西社羣

公盡生安養
安養西方也

送友人及第後歸台州

得桂為邊辟翩翩頗合宜
嫖姚留不住畫錦已歸遲
島

側山藏虎湖心浪撼碁
終期華頂下共禮淥身師

天台石橋

有白道猷坐
化身淥也

晚春寄張侍郎

遐想涪陵岸山花半已殘
人心何以遣天步正艱難

昭時

宗在
岐下

烏聽黃袍小

黃袍禽也

城臨白帝寒應知
窻下夢日日

到江干

寄景判官兼思州葉使君

獨住西峰半尋常欲下難石多桐屐齧香甚藥花乾
荇新鶯老窮通亦自寬髯參與短簿始為一吟看

送盧秀才應舉

幾載阻兵荒一名終不忘還衝猛風雪如畫冷朝陽

時名

畫李白王昌齡常建
冷朝陽冒風雪入京句好慵將出囊空却不忙明年公

道日去去必穿楊

聞新蟬寄桂雍

新蟬終夜叫嘒嘒隔溪瀆杜宇仍相雜故人聞不聞捲
簾花動月冥目砌生雲終共謝時去西山鸞鶴羣

寄懷楚和尚二首

吾師獅子兒而貌復瓌竒何得文明代不為王者師鐵
盂湯雪早石炭煮茶遲謾有參尋意因循到亂時

又

跳躑諸峰險徊翔萬里空爭將金鎖鎖那把玉籠籠印

缺香崩火窻疎蝎喫風永懷今已矣吟坐雪濛濛

和韋相公話婺州陳事

昔事堪惆悵談玄愛白牛

法華經中以白牛喻大乘

千場花下醉一

片夢中遊耕避初平石燒殘沈約樓無因更重到且副

濟川舟

禪月集卷十三

欽定四庫全書

禪月集卷十四

唐 釋貫休 撰

五言律詩

遇五天僧入五臺五首

十萬里到此辛勤詎可論
惟云吾上祖自買給孤園
一月行沙磧三更到鐵門
白頭鄉思在回首一銷魂

又

雪嶺頂危坐乾坤四顧低河橫于闐北日落月支西水
石香多白猿猱老不啼空餘忍辱草相對色萋萋

又

遠禮清涼寺尋真似善才身心無所得日月不將來白
疊還圖象滄溟亦泛孟唐人亦何幸處處覺花開

又

塗足油應盡乾陀帔半隳辟支迦狀貌剎利帝家兒結
印魔應哭遊心聖不知深嗟頭已白不得遠相隨

又

送迎經幾國多化帝王心
電激青蓮目環垂紫磨金眉
根霜入細梵夾蠹相侵必似陀波利他年不可尋

經普化禪師影院

大一今何處登堂似昔時
曾蒙金印印得異野干兒影
束龍神在門荒桐竹衰誰云續僧史別位著吾師

秋寄李頻使君二首

為郎須塞詔當路亦驅驅
貴不因人得清還似句無燒

金剛經疏
卷十四
烟連野白山藥拶階枯想得徵黃詔如今已在途

又

務簡趣難陪清吟共綠苔葉和秋蟻落僧帶野香來留
客朝嘗酒憂民夜畫灰終朝冒風雪江上見宗雷

上東林和尚

讓紫歸青壁高名四海聞雖然無一事得不是要君道
祇傳伊字詩多笑碧雲應憐門下客餘力亦為文

江邊道士

獨住大江濱不知何代人
藥鑪生紫氣肌肉似紅銀
酒釀竹屋爛符收山鬼仁
何妨將我去一看武陵春

送僧之湖外

去旨趣非常春風爾莫狂
惟擎一鐵鉢舊亦講金剛
午飯孤烟裏宵禪大石傍
羨師終不及湘浪綠茫茫

懷繆獨一

常憶蘭陵子瓌竒皴渴才
思還如我苦時不為伊來岳
霞係擲雪湖月浪翻盃未
聞沾寸祿此事亦堪哀

送廬山衲僧

飛錫下崆峒，清高世少雙。
凍天方篩雪，別我去何邦。
燒遶赤烏亥，雲漫白蚌江。
路人爭得識，空仰鬢眉厖。

寄西山胡汾吳樵

帶經鋤隴者，何止手胼胝。
覓句句句好，慚予筋力衰。
雲迥臨案冷，鹿隊過門遲。
相憶空回首，江頭日暮時。

休糧僧

不食更何憂，自由中自由。
身輕嫌衲重，天旱為民愁。
應

器誰將去生臺蟻不遊會須傳此術相共老山丘

送杜使君朝勤

借寇借不得清聲徹帝聰坐來千里泰歸去一囊空遺
愛封疆熟拔較草木同路遙山不少江靜思無窮花舸
衝烟濕朱衣照浪紅援毫兩岸曉歌枕滿旗風道罕將
人合心難與聖通從茲林下客應許代天功

送人之嶺外

見說還南去迢迢有侶無時危須早轉親老莫他圖小

店蛇羹黑空山象糞枯三閭遺廟在為我一嗚呼

題弘式和尚院

二雅兼二密惜惜祇自怡臘高雲履朽貌古畫師疑
澹蟻緣金錫鑪烟惹雪眉仍聞有新作祇是寄相思

湖頭別墅三首

梨栗烏啾啾高歌若自由人誰知此意舊業在湖頭
饑鼠掀一作菱殼新蟬避粟皺不知江海上戈甲幾時休

又

桑柘參桐竹陰陰一選苔更無他事出祇有衲僧來澗
蟻爭生食窻經卷燒灰可憐門外路日日起塵埃

又

南北如仙境東西似畫圖園飛青啄木簷掛白蜘蛛鄰
叟教修廢牛童與納租寄言來往客不用問柴枯

三峽聞猿

歷歷數聲猿寥寥渡白烟應棲多月樹况是下霜天萬
里客危坐千山境悄然更深仍不住使我欲移船

聞知聞赴成都辟請

文翁還化蜀
帝幕列鸞鸞
飲水臨人易
燒山覓士難
錦機花正合
椽草火初乾
知己相思否
如何借羽翰

題淮南惠照寺律師院

儀冠凝寒玉
端居似沃州
學徒悟有鳳
律藏目無牛
茗滑香粘齒
鐘清雪滴樓
還須結西社
來往悉諸侯

秋末長興寺作

荒寺古江濱
莓苔地絕塵
長廊飛亂葉
寒雨更無人
栗

不和皺落僧多到骨貧行行行未得孤坐更誰親

寄杭州靈隱寺宋震使君

罷郡歸侵夏仍聞靈隱居僧房謝眺語寺額葛洪書

晉道

士葛洪與靈隱寺書額了去至今在

月樹獼猴睡山池菡萏疎吾皇愛清

靜莫便結吾廬

送人歸夏口

鴈鴈葉紛紛行人豈易聞千山與萬水何處更逢君貌
不常如玉人生祇是雲倘經三祖寺一為禮龕墳

送新羅僧歸本國

忘身求至教求得却忘歸離岸乘空去終年無所依月
衝陰火出帆撈大鵬飛想得還鄉後多應著紫衣

避寇入銀山

草草穿銀峽崎嶇路未諳傍山為店戍永日遶溪潭燒
地生芑蕨人家煮偽蠶翻如歸舊隱步步入烟嵐

聞友人駕前及第

見心知命好一別隔烟波世亂無全士君方掇大科早

隨鑿輅轉莫戀蜀山多必貢安時策忠言奈爾何

避地毘陵上王慥使君

時黃賊陷東陽
公避地于浙右

至理至昭昭心通即不遙聖威無遠近吾道太孤標
辛苦蘇氓俗端貞答聖朝氣高吞海岳貧甚似漁樵
庾亮風流澹劉寬政事超清須遭貴遇隱已被誰招
粟塢修禪寺仙香寄石橋風雷巡稼穡魚鳥合歌謠
視事私終殺憂民秦亦彫道高無不及恩甚固難消
大寇山難隔孤城數合燒烽烟終日起湯沐用心焦
勇義排千陣誅

鋤擬一朝誓盟違日月

時賊偽降盟書終背

旌旆過寒潮古駟江

雲入荒宮海雨飄仙松添瘦碧天驥減豐臆似在陳兼
衛終為宋與姚已觀雲似鹿即報首皆梟盡願迴清鏡
重希在此條應憐千萬戶禱祝向唐堯

送崔尚書朝覲

至理契穹昊方生甫與申一麾歌政正三相賀仁人叵
似虛懷慎全如邵信臣澄渟消宿壺煦愛及陽春對客
烟花拆焚香渥澤新徵黃還有自

令弟相公號當公遂避賢路也 挽鄧

住無因峽水全輸潔巫娥却訝神宋均顏未老劉寵骨
應貧大醉辭王翦含香望紫宸三峰初有雪萬里正無
塵伊昔林中社多招席上珍終期仙掌下香火一相親

禪月集卷十四

欽定四庫全書

禪月集卷十五

唐
釋貫休
撰

五言律詩

寒夜有懷同志

永夜殊不寐懷君正寂寥
疎鐘寒遍郭微雪靜鳴條
南省鴈孤下西林鶴屢招
終當謝時去與子住山椒

寄新定桂雍

獨自住烏龍應憐是衲僧
句須人未道君此事偏能塢

濕雲埋觀溪寒月照

一作
在

曾相思不可見江上立騰騰

贈靈鷲山道潤禪師院

常恨烟波隔聞名二十年
結為清氣引來到法堂前
新拾紛紛葉茶烹滴滴泉
莫嫌來又去天道本冷然

干霄亭晚望懷王禘侍郎

霜打汀島赤孤烟生池塘
清吟倚大樹瑤草何馨香
久別青雲士常思白石房
誰能共歸去流水似鳴璫

海邊見羅鄴

清世詩聲出誰人得似君命通
須有日天未喪斯文楚木寒
連寺修江碧入雲相思喜相見
庭葉正紛紛

送僧之東都

之子之東洛囊中有偈新
紅塵誰不入獨鶴自難親
定鼎門連岳黃河凍過春
憑師將遠意說似社中人

送于兢補闕赴京

亂離吾道在不覺到清時
得句下雪岳送君登玉墀
冷

驚蟬韻斷涼觸火雲蘊倘遇南來使無忘問所之

送鄭準赴舉

兩河兵火後西笑見吾曹海靜三山出天空一鷲高
賃居槐椽屋行卷雪埋袍他日如相覓栽桃近海濤

寄柱杖上王使君

拄杖鄰僧與殊常不可名一條黳玉重百兩紫金輕有
乳盤春力無心合道情惟宜高處著將寄謝宣城

秋望寄王使君

靜躡紅蘭逕憑高曠望時無端求句苦永日壑風吹大
月生峰角殘霞在樹枝祇應劉越石清嘯正相宜

送祿有禪師與雷處士入武夷山

師與雷居士尋山道入閩應將熊耳印別授武夷君崖
罅仙棺出江垠毒草分他年相覓在莫苦入深雲

送友生入越投知己

才大終難任東浮景漸暄知將朋足恨去擊李膺門宿
霧開花塢春潮入苧村預思秋薦後一鷗出乾坤

寄烏龍山賈秦處士

庭果色如丹相思夕照殘雲邊踏燒去月下把書看澗
水仙居共窻風漆樹寒吾君方側席未可便懷安

題大安寺通禪師院

應行諸岳遍象屣半無綱一法尋常說此機仍未忘窻
閒藤影老衲厚瀑痕荒寄語迷津者來茲問不妨

春晚寄盧使君

滿郭春如畫空堂心自澄禪拋金鼎藥詩和玉壺冰白

雨飄花盡晴霞向閣凝
寂寥還得句因寄柳吳興

武昌縣與畫公兼寄邑宰

小邑何人識騰騰
天地間尋常如一鶴
亦不愛青山
鐵鉢年多赤麻衣
帶毳斑
祇聞尋五柳
時到月中還

別東林僧

大士宅裏宿芙蓉
龕畔遊

芙蓉道人坐處

自憐無定在子莫苦

相留燥葉飄山席
孤雲傍茗甌
徘徊不能去
房在好峰

頭

避地寄高蟾

荒寺雨微微空堂獨掩扉
高吟多忤客此貌若為飢
旅夢遭鴻喚家山被賊圍
空餘老萊子相見獨依依

懷武夷山禪師

萬疊仙山裏無緣見有緣
紅心蕉遶屋白額虎同禪
古木苔封菌深崖乳雜泉
終期還此去世事祇如然

秋末閒居作

幽居山不別落葉與階平
盡日吟詩坐無端箇病成
徑

苔因旱赤池水入冬清惟有東峰叟相尋月下

贈許徵君

晝公友秦奚來往踏溪雲如今又到我還愛許徵君落花鳥銜來永日香氤氳終期將爾曹歸去麋鹿羣

秋夜作因懷天台道友

萬事何須問良時即此時高秋半夜雨落葉滿前池靜怕龍神識貧從草木欺平生無限事祇有道人知

偶作因懷大同道友

巖木葉不落微吟漳水濱二毛空有雪萬事不如人
灑
水平芳草山花落淨巾天童好真伴何日更相親

邊上行

黑松林外路風角遠嗚嗚朔氣生荒堡秋城滿病容豺
掬沙底骨人上月邊烽休作西行計西行地漸兇

江西再逢周璉

六七年不見相逢鬢已蒼交情終淡薄詩語更清狂未
得丹霄便依前四壁光但令吾道在晚達亦何妨

登鄱陽寺閣

寺樓間縱望不覺到斜暉故國在何處多年未得歸寒
江平楚外細雨一鴻飛終數於陵子吳山有綠薇

秋晚野居

僻居人不到吾道本來孤山色園中有詩魔象外無霜
禾連島赤烟草倚橋枯何必求深隱門前似畫圖

酬杜使君見寄

軋軋復軋軋更深門未關心疼無所得詩債若為還露

洒一鶴睡鐘餘萬象閒
慚將此時意明日寄東山

湖上作

我竟胡為者勞勞但愛吟
身中多病在湖上住年深山
雷穿苔壁風鐘度雪林
近來心更苦誰復是知音

送僧歸天台寺

天台四絕寺歸去見師真
莫折枸杞葉令他十得嗔
天
空聞聖磬瀑細落花巾
必若雲中老他時得一作德有鄰

天台國清寺有拾得
花巾即波羅巾也



禪月集卷十五

欽定四庫全書

禪月集卷十六

唐 釋貫休 撰

五言律詩

壽春節進

武成元年作

聖運闕天紀龍飛古帝基
振搖三蜀地聳發萬年枝
出震同中古承乾協易辭
恩頒新命廣淚向舊朝垂
大寶歸玄讖殊祥出遠池

時有黃龍見于嘉州之野

法天深罔測體聖妙

難知儉德為全德無思契十思丕圖非力致英武悉天
資正直方親切回邪豈敢窺將排頗與收相得稷兼夔

鹽出符真主

鹽湧并野

麟來合大規

麒麟見

廣歌隨羽籥奕葉

數伊祁寡欲情雖秦憂民色未怡盛如唐創業宛勝晉
朝儀盱食宮鷲轉宵衣禁漏遲多於湯土地還有禹胼

胝視物如傷日勝殘去殺時守文情的的無逸戒孜孜

軒頊風重振皇唐鼎創移始聞呈瑞石又報產靈芝

瑞石

放光靈芝生野

覆幬高緣大包容妙在卑凡呼春赫日師指佛

牟尼

大梵天王帝釋以佛為師也今上皇帝亦然

佳氣宸居合淳風樂府吹

急賢彰帝業解網見天慈粟赤千千窖軍雄萬萬兒八
蠻須稽顙四海仰昌期玉輦墮牆擁宮花錦繡欵堯雲
同轂黷漢祖太驅馳氛祲根株盡澆訛朕兆隳山河方
有截野逸詔無遺境靜消鋒鏑田香熟稻糜夢中逢傳
說殿上見辛毗金鏡懸千古彤雲起四維盛行唐典法
再覩舜雍熙祝壽乾文動郊天太乙隨煌煌還宿衛疊
疊叶聲詩飲醴和甘雨非烟遶御帷銀輪隨寶馬玉沼

見金龜

金色龜見

杳杳聞韶獲重重降撫綏魏徵須却出諸

葛更何之簡約逾前古昇平美不疑觸邪羊哈哈鼓腹

叟嘻嘻邁五方云大超三始見竒錦霞連紫極仙鳥下

峨嵋謝傳還為傳周師又作師納隍為永任從諫契無

為子子寰瀛主孫孫日月旗壽春嗟壽域萬國盡虔祈

捧日三車子恭思八彩眉願將七萬歲匍匐拜瑤墀

拜當

進作

送僧之安南

安南十萬里師去趣何長鬢有炎一作沃州雪心為異國

香退牙山象惡過海布帆荒早作歸吳計無忘父母鄉

送僧歸剡山

遠逃為亂處寺與石城連木落歸山路人初刈剡田荒
林猴咬栗戰地鬼多年好去楞伽子精修莫偶然

送僧入幽州

高士高無敵騰騰話入燕無人知爾意向我道非禪粟
逕穿墻塚狼聲隔遠烟槃山多道侶應未有歸年

送僧遊五臺

美師遊五頂乞食值年豐去去誰為侶
栖栖力已窮濁河高岸坼衰草古城空
必到華嚴寺憑師問辨公

送僧入五洩

五洩江山寺禪林境最奇九年喫菜粥
此事少人知山響僧擔穀林香豹乳兒
伊余頭已白不去更何之

題令宣和尚院

軒窗領嵐翠師得世情忘惟愛談諸祖
曾經宿大荒泉

聲淹臥榻雲片犯鑪香寄語題門者看經在上方

寄四明閭丘道士二首

淮海兵荒日分飛直至今知擔諸子出却入四明深衣
必編仙草僧應共栗林秋風溪上路應得一相尋

又

三千功未了大道本無程好共禪師好常將藥犬行石
門紅蘚剝柘塢白雲生莫認無名是無名已是名

經士馬中作

偷兒成大寇處處起烟塵黃葉滿空宅青山見俗人妖
星芒刺越鬼哭勢連秦惆悵還惆悵茫茫江海濱

士馬後見赤松舒道士

滿眼盡瘡痍相逢相對悲亂階猶未已一柱若為支堰
茗蒸紅棗看花似好時不知今日後吾道竟何之

題方公院寄夏侯明府

銀地有餘光方公道益芳誰分修藏力頂有剃頭霜經
勘松風燥簷垂塢茗香終須結西社此縣似柴桑

與劉象正字

獨居三島上

在觀中住

花竹映柴關道廣羣仙惜名成萬事

閒病多惟縱酒靜極不思山惟有逍遙子時時自往還

懷智體道人

栖碧思吾友庭鷲百轉時惟應一處住方得不相思雲
水淹門聞春雷在樹枝平生無限事不獨白雲知

贈晦公禪人

流陽為役者相訪葉紛紛有句雖如我無心未似君構

林青及竹茆屋暖如雲何似相將去千山麋鹿羣

寄靜林別墅胡進士兄弟

見說山居好書樓被翠侵燒燹汀島境月色弟兄吟犬
吠黃裨落牛歸紅樹深仍聞多白菌應許一相尋

懷赤松故舒道士

可惜復可惜如今何所之信來堪大慟余復用生為亂
世今交鬪玄宮玉柱墮春風五陵道迴首不勝悲

偶作

無端為五字字字鬢星星祇覺人情薄空餘鶴眼青砌
莎藏墜果窻雪浸殘經祇有歸山計茫茫何所營

春日許徵君見訪

龍鍾多病後日望遇昇平遠念穿高雪前林轉早鶯厨
香烹瓠葉道友叩門聲還似青溪上微吟踏葉行

經先王廟作

古廟積烟蘿威靈及物多因知曹孟德爭奈此公何樹
古雷痕剥碑荒篆畫訖今朝冥禱祝祇望息干戈

寄中條道者

柏梯山影裏頭白藥山孫今古管不得是非爭肯論虎
鬚懸瀑滴禪衲帶苔痕常恨龍鍾也無因接話言

夏日晚望

登臨聊一望不覺意恢然陶侃寒溪寺如今何處邊汀
沙生早霧山火照平川終事東歸去干戈滿許田

送僧歸山

眼青禪帔赤氣岸出塵埃霞外終須去人間作麼來崖

香泉吐乳塢燥燒闕雷他日終相覓山門何處開

覽皎然渠南鄉集

學力不相敵清還彷彿同高于寶月月誰得射鵬弓至
鑿封姚監良工遇魯公如斯深可羨千里共清風

覽姚合極玄集

至覽如日月今時即古時髮如邊草白誰念射聲闕好
鳥挨花落清風出院遲知音郭有道始為一吟之

大駕西幸秋日聞雷

軍書日日催處處起塵埃
黎庶何由泰鑿與早晚回夏
租方減食秋日更聞雷
莫道蒼蒼意蒼蒼眼甚開

詩

記事題
作言詩

經天緯地物動必計仙才幾處覓
不得有時還自來真
風含素髮秋色入靈臺
吟向霜蟾下終須神鬼哀

秋末江上望

莽莽古江濱紛紛墜葉頻
烟霞誰是主丘隴自傷神
吞併寧惟漢淒涼莫問陳
盡隨流水去寂寞野花春

禪月集卷十六

欽定四庫全書

禪月集卷十七

唐 釋貫休 撰

五言律詩

乞食僧

擎鉢貌清羸
天寒出寺遲
朱門當大道
風雪立多時
似月心常淨
如麻事不知
行人莫輕誚
古佛盡如斯

寒望九峯作

九朵碧芙蓉王維圖未圖層層皆有瀑一一合吾廬雨
歇如爭出霜嚴不例枯世猶多事在為爾久躊躇

薊北寒月作

薊門寒到骨戰磧鴈相悲古屋不勝雪嚴風欲斷髭清
吟得冷句遠念失佳期寂寞誰相問迢迢天一涯

新猿

別本作
新蟬

尋常看不見花落樹多苔忽向高枝發又從何處來風
清聲更揭月苦意彌哀多少求名者年年被爾催

懷南岳隱士二首

千峰映碧湘真隱此中藏
餅不煮石喫眉應似髮長風

裡支酒甕鶴蟲落琴牀

雖一作誰

數忘機者斯人尚未忘

又

見說祝融峯擎天勢似騰
藏千尋瀑布出十八高僧古
路無人跡新霞出石稜
終期將爾叟一月中登

追憶馮少常

盛德方清貴旋聞逐逝波
令人翻不會積善合如何且

道登朝晚分憂及物多至今新定郡猶咏袴襦歌

聞閔廷言周璉下第

前榜年年見高名日日聞常因不平事便欲見吾君兄
弟居清島園林生白雲相思空悵望庭葉赤紛紛

寄景地判官

渚宮江上別條忽十餘年舉世惟攻說多君即不然浦
珠為履重園柳助詩玄勉力酬知己昌朝正急賢

讀賈區賈島集

區終不下島島亦不多區冷格俱無敵貧根亦似愚青
雲終歎命白閣久圍壚今日成名者還堪為爾吁

送衲僧之江西

索索復索索無憑却有憑過溪遭惡雨乞食得乾菱
有山相伴終無事可仍如逢梅嶺旦向道祇寧馨

故林偶作

朗吟無一事孤坐澌江濱媚世非吾道良圖有白雲
魚開卷落啄木隔花聞惟寄壺中客金丹許共分

寄栖白友師二首

流浪江湖久攀緣歲月闌高名當世重好句逼人寒月
苦蟬聲噴鐘清柿葉乾龍鍾千萬里擬欲訪師難

又

蒼蒼龍闕晚九陌雜香塵方外無他事僧中有近臣青
門玉露滴紫閣錦霞新莫話三峰去澆風正蕩淳

送人之渤海

國之東北角有國每朝天海力浸不盡淳風常宛然山

藏羅刹宅水雜巨鼇涎好去吳鄉子歸來莫隔年

寄李道士

常見高人說由來不偶然致身同槁木話道出忘詮長
嘯仙風外眠槎海月邊倘脩陰妣妣一望寄余焉

秋送夏郢歸錢塘

歸客指吳國風帆幾日程新詩陶雪字玄髮有霜莖微
月生滄海殘濤傍石城從茲江島意應續子陵名

送僧歸翠微

祇衲一箇衲翠微歸舊岑不知何歲月即得到師心
逶千峰細庵開亂木深倘然雲外老他日亦相尋

經友生墳

多君墳在此今我過悲涼可惜為人好剛須被數將白
雲從塚出秋草為誰荒不覺頻回首西風滿白楊

懷洛下盧縉雲

一減三張價幽居少室前豈應貧似我不得信經年
木落多詩藁山枯見墨烟何時深夜坐共話草堂禪

送李鉞赴舉

詩業務經綸新皆意外新因知登第榜不著不平人句
得孤舟月心飛九陌塵明年相賀日應到曲江濱

寶禪師見訪

山兄心似我岸谷亦難交不見還相憶來惟添寂寥茶
烟粘衲葉雲水透蘅茆因話流年事斯須不可拋

觀碁

逸格格難及半先相遇稀落花方滿地一局到斜暉褚

脣死不死將軍飛已飛今朝慙一行無以造玄微

題一上人經閣

島外何須去衣如蘚亦從但能無一事即是住孤峰雨
歇雲埋閣月明霜灑松師心多似我所以訪師重

和毛學士舍人早春

陋巷冬將盡東風細雜籟解牽窻夢遠先是澗梅語茶

癖金鎗快

舍人有
茶譜

松香玉露舍書齋山帚擷盤饌藥花

甘雅得琴中妙

舍人妙
于七絃

常接臉似酣雪消聞苦蟄氣候

似宜蠶密勿須清甲朝歸遶碧潭丹心空拱北新作繼
周南竹杖無斑點紗巾不著簪大朝名益重後進力皆
覃至理雖亡一臣時亦說三不知門下客誰上晏嬰驂

禪月集卷十七

欽定四庫全書

禪月集卷十八

唐 釋貫休 撰

五言律詩

壽春進祝聖七首

千載降祥

九天宮上聖降世共昭回
萬彙須亭毓羣仙送下來
承乾當否極庶事盡康哉
祇有羲軒比其餘不可陪

文有武備

武宿與文星常如掌上擎
孫吳機不動周邵事多行
旰食爐烟細宵衣隙月明
還聞夔進曲吹出秦階平

從諫如流

及雷龍鱗動君臣道義深
萬年軒后鏡一片漢高心
北塞皆輸歎南荒盡貢琛
從茲千萬歲枝葉正森森

搜揚草澤

俟時兼待價垂棘出塵埃
仄席三旌切移山萬里來
烟

霞衣上落閭闔雪中開壽酒今朝進無非出世才

守在四夷

天將興大蜀有道遂君臨四塞同諸子三邊共一心
閣婆香似雪回鶻馬如林曾讀前皇傳巍巍冠古今

大興三教

瞳瞳懸佛日天俟動雲韶縫掖諸生集麟洲羽客朝
非烟生玉砌御柳吐金條擊壤翁知否吾皇即帝堯

山呼萬歲

聲教無為日山呼萬歲聲隆隆如谷響合合似雷鳴翠
拔為天柱根盤倚鳳城恭惟千萬歲歲歲致昇平

早秋夜坐

微涼砧滿城林下石牀平髮豈無端白詩須出世清鄰
僧同樹影砌月浸蛩聲獨自更深坐無人知此情

早起

夜坐還早起寂寥多病身神清尋夢在香極覺花新樹
露繁於雨溪雲動似人又知何處客軋軋轉征輪

秋晚野步

閒步不覺遠蕭蕭木落初詩情拋閭闔江影動襟裾閣
北鴻行出霞西雨脚踈金峰秋更好乞取又何如

晚望

曠望危橋上微吟落照前烟霞濃浸海川岳濶連天白
鳥格不俗孤雲態可憐終期將爾輩歸去舊江邊

寄翰林陸學士

顏冉商參甲鸞凰密勿才簾垂仙鳥下吟次聖人來寶

輦千官捧宮花
九色開何時
重一見為我話蓬萊

贈造微禪師院

蒼蒿氣雍雍
門深聖澤重
七絲奔小蠅
五字逼雕龍
藥轉紅金鼎
茶開紫閣封
圭峰爭去得
卿相日憧憧

南海晚望

海上聊一望
舶帆天際飛
狂蠻莫掛甲
聖主正垂衣
風惡巨魚出
山昏羣獠歸
無人知此意
吟到月騰輝

寄廬山大願和尚

石上桂成叢師庵在桂中皆云習鑿齒未可扣真風雪
洗香爐碧霞藏瀑布紅何時甘露偈一寄剡山東

懷薛尚書寄呈東陽王使君

得力未得力高吟夏又殘二毛非自出萬事到詩難
蟬見木葉落雷將雨氣寒何妨槌琢後更獻至公看

上馮使君水晶數珠

泠泠瀑滴清貫串有規程將諷觀空偈全勝照乘明
龍神多共惜金玉比終輕願在玄暉手常資物外情

送明覺大師兼寄鄭山人

去去楞伽子春深道路長
烏啼青嶂險花落紫衣香
此去非餘事還歸內道場
憑師將老倒一向說滎陽

廬山尋靈紀不遇

久別稀相見深山道益孤
葉全離大朴君尚在新吳
鐘叟聲飄驛山頑氣噴湖
留詩如和得一望寄前途

題曹溪祖師堂

案此係古體詩雜入

皎潔曹溪月差我七寶林
空傳智藥記豈見祖禪心
信

衣非苧麻白雪無知音大哉雙峰溪萬古青沉沉

懷匡山道侶

常憶將吾友穿雲過瀑西有碑皆讀徹無處不相攜
桂株濕猿猱箇箇啼等閒成遠別窻月又如珪

懷盧延讓

時延讓
新及第

冥搜忍飢凍嗟爾不能休幾歎不得力到頭還白頭
姓名歸紫府妻子在滄洲又是蟬聲也如今何處遊

春晚訪鏡湖方干

幽居湖北濱相訪值殘春路遠諸峰雨時多擲鬣人蒸
花初釀酒漁艇劣容身莫訝頻來此伊余亦隱淪

秋過相思寺

見說相思寺今來似有期瘴鄉終有出天意固難欺
雨先花島秋雲過戍旗故人多在蜀不去更何之

禪月集卷十八